

立法會政制改革公聽會(2014 年 1 月 11 日) 意見

大家好，我只係一個普通既市民，今日黎分享我對 2017 普選行政長官的一 d 意見。

首先，我好希望 2017 年我地可以一人一票選出我地既特首。

我係一名地產代理，好明白乜野叫做「開天殺價、落地還錢」，但係即使開第一口價，都要用個腦衡量形勢先提出黎，唔係可以天馬行空咁亂咁開，咁樣只會令到對手根本唔想同你傾。有關近日真普聯提出既「三軌方案」，我相信絕對遠離中央能夠接受既水平。咁樣既開價令我覺得真普聯同泛民係抱住一個「唯我獨尊」既心態同中央傾，呢種「玉石俱焚」既取態係咪廣泛香港人既想法呢？我絕對唔認同！

即使提到今年 1 月 1 日既有關普選既投票，我想講當日我用左超過一個鐘都登入唔到個投票網站，但係投票人數竟然話有 6 萬幾人，究竟要點樣先上到個網站投票呢？即使係咁，6 萬幾人、由真普聯發起既投票又係咪能夠代表廣泛市民對普選既想法，呢個絕對值得懷疑。而且所謂「公民提名」根本唔符合基本法，遠離基本法既開價係不切實際、甚至會搞死普選！

如果真普選或者泛民仲抱住「開天殺價、落地還錢」既心態去同中央傾普選，妄顧香港只係中國既一個城市既現實，若果 2017 年我地最終冇得普選特首，呢個係真普聯及泛民係談判上既判斷失當，最終責任係真普聯同泛民身上！試問真普聯同泛民點樣同香港市民交待！

黃智堅